

JOH. GEORG DUVERNOY

MED. DOCT.

*TENTAMEN INAUGURALE*

DE

COLEND A

CITO, TUTO ET JUCUNDE

LUCINA

IN PUERPERIO,

DIE 3. NOVEBR. MDCCXVI.

QUO RENUNCIARETUR

P. MEDICINÆ PROFESSOR

EXTRAORD.

*IN ALMA EBERHARDINA,*

RESPONDENTE

JACOB. ADAM. ZENCK, Oeting. Suevo.

PUBLICE IN AUDITORIO MEDICO

VENTILANDUM.

---

TUBINGÆ,

Literis HIOBI FRANCKII.

*H. Loh.*



SERENISSIMO POTENTISSIMOQUE  
PRINCIPI AC DOMINO,  
DOMINO  
EBERHARDO  
LUDOVICO,  
WIRTEMBERG. ET TECCIAE  
DUCI,  
COMITI MONTBELGARDENSI,  
DOMINO IN HAIDENHAIM,  
&c &c.  
S. CÆSAREÆ MAJ. & S. ROM. IMP.  
NEC NON INCLYTI CIRCULI SUEVICI GENE-  
RALI CAMPI MARESCHALLO, DUARUMQUE LEGIO-  
NUM EQUESTRIS CÆSAREÆ ET SUEVICÆ  
PEDESTRIS CHILIARCHO. &c.

PRINCIPI AC DOMINO SUO  
CLEMENTISSIMO.

*Regimen pacatum, & fata undiquaque prosperrima &  
exoptatissima devotissimo animo vovet & ap-  
precatur*

AUTHOR.





## Amico Lectori Præloquium !



Errum est multos me allocuturos hoc Sermonem  
*Sed quis tu es, qui vis sedere in sellâ  
 Ut è longinquo Judices à multis milliaribus,  
 Cum visu vix spithamam longo?*

Quod si percipiendis naturæ arcanis impar sit  
 homo etiam cum sensuum multorum firmatur  
 usurâ, ut non visui tantum, non auribus, non odoratui solum,  
 sed sensibus etiam reliquis objecta fistantur; Quotò peioris ille  
 conditionis erit (sic rentur,) his destitutus præfidiis vel privatus  
 sensuum aut plurium, aut principum illuminatione seu *Φωτισμῶ*,  
 unde, ( non ex humanæ mentis impari Marte in scrutandis na-  
 turæ secretis, aut ex horum naturâ imperscrutabili seu *ἀνεξ-  
 ουγγήῳ* oriri constat scientiarum *ἀκαταλήψια*; Quare cum o-  
 mnes norint, *Lucina* negotia actusque & Labores intra densas  
 plerumque tenebras celebrari, quibus . . . *Pudica Lucina*

*Admotas flammæ semper abesse juber,*

plerisque sensibus haud absque piaculo admotis, nisi apices di-  
 gitorum obstetricantium ( quales *Argi* fuisse creduntur ) ocu-  
 latis esse quis contendat; Sequitur ergò, si viam intra hæc an-  
 tra & recessus non explorent sensus, si partus negotia densis  
 adeò & profundis subsint tenebris, circa *Natales viventium*  
 Humanorum, quemadmodum in cæteris naturæ Phænome-  
 nis, quæ scrutari clausis sensuum fenestris oportet, nobis pal-  
 pandum esse, nisi Puerperia intueantur ceu specialia & imme-  
 diata opera aut *μεγαλὴα* Dei, quem si credere oportet omni-



potentem, & clausis oculis hæc credi possunt. Quemadmodum ante Labores & Experimenta, his me ipsum indulgisse olim suspicionibus recordor, ob superstitionem, quæ mentem obsederat, opinionem, Causas Physicas harumque Θεωρίαν Providentiæ Divinæ, quam partibus & Natalibus viventium præ esse solam θαυμασίων ὄντων rebar, derogare: Quo tamen Labore & multiplici Experimentiâ Cultuque *Lucina* assiduo (licet ad intima Artis penetralia ἀκμήνq; pervenisse me gloriari haud queam;) Eò tamen profecisse arbitror, ut multa quæ nosse ob animi præjudicia me putabam, planè me ignorare sciam, Et vicissim (*Propitiâ Lucinâ*) quæ latebant olim circa abstrusa hujus Mysteria, in Laboris præmium consequutum esse. Durus équidem, summè arduus, Herculeus, Ingentis tædii & periculi, cruore & barbarâ interdum Lanienâ maculatus Labor, cui, licet tormentis parturientium parem quandoque experiatur diligens *Lucina* Minister, iniquissima tamen merces tribuitur vel Homicidæ, vel Carnificis præmium, ex quò rebus humanis summa & infanda desperatio inducta est, Ingens partuum infelicitas, infinita Puerperarum strages, & foetuum in partu vel interitus, vel toto vitæ curriculo miseranda membrorum vel Sensuum Læsis: Quod scil. spreto, ob tædia Laborum suorum, jaceat *Lucina*, aut neglecta, aut indignè culta, & religioni vel dedecori sibi ducant Medici, Parturientibus adesse: Male Sanus pudor, Artis tædia, objectorum foeditas, eventus Speiq; fallacia, forsân quoque inclementia erga Proximum, animiq; barbaries Medicorum animos ab Arte Saluberrimâ & perutili turpiùs abduxere, quod arbitrentur parùm ipsis interesse vel ad existimationem, vel ad Lucrum (Cui posthabitis commodis humanis foedè inhiant,) utrùm *Lucina* mysteriis imbuantur nec ne,

-- -- *Quid non mortalia pectora Cogis*  
*Auri sacra fames!*

Fato intereà committitur Parturientium salus & maturi foetus ex Cavernâ suâ exitus (stigmata enim Artis sunt numero plures

res



res Aniculæ obstetrices , potiori jure habendæ suffocatrices , non (uti vocant Galli ) *sage femme*, sed *saga* potius *fœmina* ) Et quid mirum ? cum res ardua sit, & quæ muliercularum ingenium longè superat ; ) donec nihil humani à se alienum putent Medici, & pretium Artis nosse & necessitatem cupiant, convicti duobus illis clarissimis & acutissimis *Anatomes & Experientia* oculis, se quosvis *Lucina* recessus felici eventu per lustraturos : Similes hâc ratione *Phæbo*, qui polluta loca ingreditur, nec tamen polluitur ipse. Neque enim huic rei plus inest negotii, præter quàm, ut ingressi antra hæc humana ( quasi per *παλιν γενεσίαν*, seu remeationem intra Uterum, in quo primæ fuerunt Latebræ nostræ, ) sagaciter persequamur Naturæ operantis vestigia, periodos, statâ tempora quibus definiuntur *Natales viventium*, Instrumenta & agendi modos, impedimenta & motus contrarios, impetus & resistentias, actiones & passionés, tum ex parte *fætûs*, quàm Utero gerentis *fætæ*, ut hisce Arte obstetriciâ prudenter vel accelerandis, vel remorandis, aut temperandis incumbere liceat, hujus quippe nimis desideratæ methodi filo ducti, haud cœco ampliùs impetu ad geminæ vitæ perniciem de corio Humano Ludentes : Quot B. L. putas hinc averti barbara parturientium fœtumve homicidia, Abortus & Vitia Matris vel Infantis nullâ arte vel ævo sananda, formæ aut venustatis, numeri, figuræ, magnitudinis, proportionis, sitûs, qualitatis mutatæ, solutæ unitatis & structuræ organorum ? ob quæ mens (proh dolor) interdum, nec raro, è sede dejicitur, ob depravatum Animæ corporisve vinculum (absit enim, ut benignæ matri Naturæ ( ut impiè fit ) adscribantur hæc vitia.

Nec etiam tanta ampliùs erunt Parturientium Tormenta, Labores, nixus & discrimina, nec experientur ampliùs, ob propitiam ipsis *Lucinam*, tam sæva partium vulnera Pubis, Nympharum, cervicis, ductûum *Duvernoyanorum* quorum tantus usus est) & vaginæ cruentas dilaniationes, vesicæ rupturas horrendas, cruoris diluvia, Ligamentorum dilacerationes Te-



stiumve & Tubarum nullo ( quod sciam ) balsamo sanandas, uterique ( unde fœcunditatis aut vitæ discrimen ) Evulsiones violentas & id genus tormenta, multò minus Lethalem *Sectionis Casaræ* fortem, ob quam *martyrûm* titulo ( quot fuérunt ipsam, dùm spirarent, expertæ, ) & qui perfecérunt, *Carnificûm* insigniendos esse arbitror. Parturientium heu! nimis desideratam felicitatem! Quæ ideo meta semper fuit Laborum meorum molestiarumque, quarum, uti omne genus, biennali Parturientium ministerio intra *Moënia Richovill.* me felici eventu cooperante Jehovah exantlasse lætus recordor, licet

*Non - unquam gravis are domum mihi dextra redisset.*  
Ita exantlare in posterum ( si quod est sudore vultus partæ scientiæ meæ pondus & Tentaminis hujus fata benigna sint ) haud detrectabo, ad Opificis rerum omnium gloriam ( cui fortunatos *Lucina* Labores omnes adscribo ) Et proximi subsidium, cui pro viribus quemque suis studere decet.





# DE COLEND A

Citò, Tutò & Jucundè

LUCINA.

THESIS I.

**U**trum in Paradiso similis aut ferè eadem (seposito mortis discrimine seu ἀθανασία) quæ hodie est, Parturientium fors fuisset, haud certò constat, (1.) quod *Evam* Paradisi incolam, seu uteri partiumque ejus Genitalium structuram, molem, καὶ αἰσιν & affectiones nosse haud detur. (2.) Quod trahantur verba Divini vindicis (*multiplibo Ærumnas tuas* Genes. cap. III.) in bifidum sensum, haud præcisè in facinoris, quod *Eva* perpetraverat, pœnam insolitam (posito enim eòdem, qui Parturientium & Parturiendorum hodiè est, Corporis Characterè & παθημάτων ἀναλογία, cum nisu semper & corporis motu concussorio & constrictorio (*disting.* autem motum dolorificum, quò solvi Continuitatem innuitur) parere necessum fuisset;) verum duntaxat, ut exacerbarentur & multiplicarentur Labores & Ærumnæ Parturientis *Eve*, quas (secus ac in statu innocentiz) Divina *Nemesis* Tormentis exquisitissimis pares Experiri Facinorosam voluit. (3.) Propter *Brutorum*, (quibus Conditoris maledictum applicare nefas) & Generis humani in edendis foetibus sortem similem, periculofam, dolorificam, cruentam saltem in *Carnivoris*, Laboriosam, ne exceptis Oviparis, quæ Exspirasse tragico eventu conspexi, ob ruptum ovi mole aut crassitie infundibulum, Hinc convulsâ Gallinâ excernendo ovo impari; Sicut Dominus *Christ. Canuti* Pontopidanus, Pastor refert, quod sua Gallina foeta, non more aliarum, ovum unum vel alterum, sed sex pullos benè conformatos vivos uno partu exclusit, sed horum vitam matri intulisse necem, quæ illicò à partu extincta est. Simili reverà *Vivipara* parturiunt periculo, (ut abstineam nimis audaci Problemate) huc potius, quod thematis est, inclinans, ut credam majorem esse Partuum humanorum infelicitatem nostris quàm præteritis temporibus: Ferè sicuti mutatos experimur mores morborum, horumque periodos, μεταπτώσεις, durationes, Crises & augmenta, nec

non



non *βεβηται*, quorum respectu inversum quasi diceret Medicinæ systema, ita ut soli olim Naturæ committenda negotia succenturiatâ jam Arte difficulter perficiantur. Nec dubium est, præter indomitâ Libidinis peccatum, cui aptissimè respondit hæc pœna, duriolem sortem Parturientium promanare sæpius quàm putatur, à Conjugum, quoad corporis & membrorum *συμείλαν*, disparitate & *ἀνομαλία*, à fervidâ, nimis frequente & intempestivâ Qre (mulier enim Prægnans juxta Hippocrat. Libr. de superfoet. si coitu non utatur, facilius à partu liberatur) cui sine temporum prudenti discrimine incumbitur, (unde non solum virium partui inserviendarum deperditio, sed etiam error in Computando fatalis) Quibus accedunt (nec impunè) dura Excercitia, saltus immoderati, Equitationes, Plaustrorum succussiones, cursus, vociferationes, odores, alimenta *ἐμπηγευμάζονα* majoribus nostris insolita, horrenda animi pathemata & id genus violentiores motus, quos, si non abortus, durum saltem & atrocissimum Puerperium comitari solet, à quo Parturientis & parturiendi foetus vires interdum atque vita pendent. Non ab simili *Asciticorum* fato (ut Tumorem Hydropicum cum uteri tumore (diverso tamen respectu) conferam, quos, si quid in Tumoris Curâ peccatur vel ex propria, aut (quod sæpe fit) Medici culpâ, quod Neuter naturæ vias sectetur sed perturbet, id morte Luere constat.

## Thesis II.

Medico *Lucine* Mysteria Tractanti nunquam satis perpendendam Prægnantium & Asciticarum Convenientiam! Foetu quidem & Lymphâ præternaturali simul Turgentem uterum vidisse memini *Kaisersbergæ* exemplo raro uxoris Domini Prætoris Regii vid. *Fabric. Hild. Fern. River. obs.* ob Abortus horrenda pericla & Meretricum Astutias, quibus imponere Medicis ad movenda menstrua satagunt. Quædam se Hydropicas fingeant (verba sunt Patriæ nostræ Medici Viri Excell. & præter. Seculo Celeberrim. *Job. Nicol. Binninger. Observ. III. Cent. V.*) quarum fraudem contrectato pulsu (*Asciticarum depressius vibrantibus Arteriis, quæ gravidis in primâ saltem in gravidationis periodo aliis micant*) & exploratâ constitutione præscriptis innocuis (*quæ ex superioribus Analeptica & Corroborantia fuisse conjicio*) elusi: Nuper me Rustica quædam ex vicino pago aliquoties convenit, filiam unigenitam annorum forte 15. ventre intumescere ob negarum Menstruorum pro fluvium querens, allatâque urinâ rogans,



rogans, re sic se habente ordinarem, quæ illud promovèrent. Ad-  
 duceret Puellam jussi. Quâdam die huc comitatur illam, & exa-  
 minandam præbet in præsentia suâ: Benè appetebat & optimè Co-  
 lorata ventrem habebat (NB.) acutè prominentem, pulsus natu-  
 ralem, nulla hydropis vel suppressionis mensium (*chloroseos* nem-  
 pè) sed Graviditatis signa esse indubius dixi. In Lacrymas effusa  
 filia tacendo negare non visa est, se verò nihil mali, ut dicebat, com-  
 misisse referens: Sufficere nec veterinosam, sed cum sensu & volup-  
 tate se Concepisse dixi: Ita dimissa cum Matre Filia, non diu post  
 peperit. Fidem adeò cautam & *δεινότητι* addidisse juvat Lotio aut  
 menstruo Cruori suppresso, aut fluenti, indeque pendentibus effe-  
 ctis anomalis, etiam tumente Hypogastrio, ne hinc eò ipso, dùm  
 oculos lividos, Nauseam, Picam & vomitum, sororiantes mam-  
 mas, Intumescientiam Uterique quovis modo *ψευδῶς* pulsantis sen-  
 sum, Lacte etiam ex mammis promanante (vid *Hippocr. aph. XXXIX.*  
*Libr. V. Helvig.*) experiri more Prægnantium non menstruatæ no-  
 rint facinorosa, sub larvâ intumescens ventris aut suppressorum  
 muliebrium decipiatur minùs Cautus credulusve nimium Arti-  
 fex; Sicut contrariò etiam sensu (vid. *Sydenham. Plater Observ.*) quæ-  
 dam mulieres *ψευδῶς* Prægnantes suo & obstetricum judicio deceptæ,  
 motum infantis jam a tempore Consueti usque ad legitimum tem-  
 pus pariendi persentiscentes, quin ad eundem modum, quò Gra-  
 vidæ solent, subinde ægrotantes sororiantibus insuper mammillis  
 & Lacte Exstillante, de fasciis haud rarò sibi prospexere; Ventre ve-  
 rum pari, quo increverat, gradu sensim detumescente, spe suâ  
 frustratæ: *Parturiunt montes* &c. Cujus erroris Exemplâ vid. apud  
*Vesal. Schenck. Plater. Binninger. River. Franc. Mauric.* Adde etiam, quod  
 minimè insolitum mihi videatur, Plethoricas hystericasque Præ-  
 gnantes sua, pro more Virginum, menstruatim experiri muliebria,  
 cum palpebris ab *οφθαλμοῦ* & vasorum *πληθονεξία* tumidis (unde *Phle-*  
*botomia* usus in recenter Gravidis a primò scil. mense ad tertium  
 usque) donec Sorbendo omni Cruore uterino Embryonis (quod *σε-*  
*πτι οἴτι* & *novimestris* demùm planè valet) vires suffecerint: Quid  
 etiam tum! si Tumore ventris pulsatorio (sed adulterino) intume-  
 scere Cachectico - Hystericas contingat, cum mammarum quando-  
 que Lactiformi stillicidio, inprimis nullâ aut torpidâ saltem Ore  
 præviâ: symptomata enim genuina sunt stagnantis & in cuncta vi-



scera diffusi cruoris Hypogastrici, cujus enormitates & παλινδρομήν  
 produnt tumefacta viscera & secretiones insuetæ, (quicunque de-  
 mum sint meatus isti Colatorii & secretoria organa) modò Lactis  
 fero solymphatici specie, aut eructationis aphor. XXXII. Libr. V.  
 aut Expectorationis purulentæ, quâ martio mense occubuit Richo-  
 villana quædam quadragenaria ἀλεκν, modò effluvii narium, aut Cutis  
 sanguinei Characterē vid. aphor. 33. Libr. V, quæ omnia à succis co-  
 piâ & qualitate noxiis & in varia organa depluentibus succrescere  
 naturæ instinctu palàm est: Adde certioris διακρίσεως gratiâ con-  
 tenti in utero foetus certiora indicia peritè distinguendo (1) ventris  
 Tumorem Χλορώσει Laborantium aut molam Gestantium Tym-  
 paniformem & æqualiter in omnem dimensionem dilatatum,  
 retracto introrsum umbilico, ab Utero gerentium Tumore ovali,  
 acutè prominente, fastigiato cum extrorsum protruso & quasi  
 nullo umbilico, coarctatis utrinque Hypochondriis (2) Corpo-  
 ris habitum & mammas, quæ in Chlorotico - Hydropicis molamque  
 gestantibus & hysteriis flaccescunt sæpius & deturpantur, in Præ-  
 gnantibus verò vividi Coloris sunt & lacte abundant Chyloso &  
 nutritio. (3) Picam utero Gerentium, nec non quasvis alias mole-  
 stias post 90. diem spontè cessantes, (quia grandior foetus majorem  
 humorum partem absūmit,) dum e contra illarum symptomata in-  
 dies, nisi succurras, ingravescent. Tandem foetus 3. vel 4. drime-  
 stris irrequietè calcitrantis pulsationes & vibrationes reptionesque  
 instar vermis æquales & plures ventris partes occupantes, a flatuum  
 palpitantium borborygmis, concussione viscerum spasmodico - Hy-  
 stericâ, aut molæ, Lymphæque pro corporis situ variè undulantis &  
 ferè utris instar, cujus ∇æ sequuntur agitationem ab extus sibi  
 advenientem, decidentis sensu facilè dignoscendas, quibus, ceu  
 παθογνωμονικότατον imprægnationis Indiciū, Clausuram cervicis U-  
 teri exquisitam adjungere solent *Parisienses Chirurghi obstetricatores*,  
 si os nempe Uteri cum mollitudine & indolentiâ ita sit coactum,  
 ut ne acūs quidem acutiem admittat vid. Aphor. LI. Libr. V. Cæ-  
 terum hoc signum intelligitur de illis mulieribus, quæ operam dant  
 Liberis, nam in virginibus etiam connivet: Ubi, quod spectat Em-  
 bryonis motus præliminarios, ὡς ἐν παρόδῳ notare decet, foetum  
 calcitrare non uno modo ad parietes Cavernæ uterinæ, sed Cordis  
 primò palpitantis & placidè pulsantis, postmodum salientis & con-  
 tun



tudentis, tandem convulsi & dissilientis specie, donec his foetus motu rationibus successivè auctis laceffit uter, suarum (ut explicat *Bergerus*) constrictione fibrarum a fundo cervicem versus, ad expulsionem molesti & inquieti hospitis insurgat; Naturâ ideò certis in partu edendo gaudente legibus, ut eas, nisi interturbetur, constantissimè servet & tueatur: Ferè sicùt parat sibi exitum maturescens in testâ Pipio, per terebratum ovi Corticem (humani foetus membranas æmulantem) qui rostro perforatur; sic calcitratu multiplici & calcando macerari pro adolescentis foetus mole decet Chorion & amnion, quibus sepitur Embryo, more *dentium* gingivas perforantium, Excludendus demùm irritatâ Uteri, Abdominis, Thoracisque & diaphragmatis vi Expultrice suarum fibrarum, quibus omnis generis donantur mirò artificio & stupendâ inter se *συμπλοκή*, brevi, si detur occasio, publicè demonstrandâ.

THES. III.

Quorum quidem phænomenorum rationem certis naturæ legibus innixam ipsa Artis & naturæ varia opera demonstrant, quæ successivè ad ἀκμήν deducuntur. Exemplo sit succus *uvæ* recentè expressus, quem in occlusis doliorum uteris contentum primò elevari videmus, hinc pedetentim ebullire, tandem adeò effervesce-  
re, ut non magis ▽ super △, donec completo fermentationis negotio, fractis particularum tenacium involucris sub liquoris vinosi formâ emergat, fœculentiis crassioribus quaquâ versùs dimissis & ad fundum amurcæ instar præcipitatis: Ferè sicut adolescens in Cavernâ uterinâ Embryo, dum robore crescit & stamina firman-  
turi Corporis, eò majus quoque affectat Spatium quasi pertæsus eandem sedem, factò impulsu modò quarundam partium pedis alterutrius, vel brachiorum, vel Capitis &c. modò totius trunci dextrorsum, sinistrorsum, ad anteriora & posteriora quasi vermiculoso, Et (quod ob nerveam organorum texturam mirum!) ad partus horam usque, nisi lædatur Gravida, ἀναλγῆς: Quàm quidem Indolentiam a renisu Aquarum, quibus extinguitur Calcitrantis foetus impulsio, dependere arbitror. Interim neque succedit semper vinorum defœcatio, sed interdum ægrè liberantur à Tartari mixtione, ob succi mucilaginositatem, aut vappescentiam spontè vix mutandam, nisi promptè mederi his vitiis norint Experti, per remedia depurantia & exagitantia, quæ veluti immisso stimulo succi



emortuam turgescientiam resuscitent, & fœculentiis crassioribus, dum pori referantur, exitum parare valeant |vid. Willis de ferm. In hoc Casu, remediis velut Cardiacis Languidæ vinorum depurandorum vires exsuscitantur: Enim verò ad fermentationem illud primò requiritur, ut materia fermentescibilis, sive illa vinum sit, aut alius aliquis Liquor quilibet, eâ tenacitate & viscositate polleat, ut spiritus implexos atque irretitos eatenus detinere valeat, ut in Liquoris massâ moveri atque agitari possint, eodem ferè modò, quò aves viscò Captæ, aut muscæ atque Insecta melle detenta motitare quidem & sua murmura peragere possunt, avolare interim non valentes, Eam tamen tenacitatem obtinere haud debent Liquores, ut spiritus obruant opprimantque, adeo ut non omninò moveantur. His ergo jactis fundamentis, quæ quidem nescio an aliis, mihi certè ratione non contemnendâ niti videntur, quoties res est cum Parturientibus, quarum propria, aut fœtûs vel imbecillitas vel contraria indoles ad furorem vergens indicatur per signa specialia, quæ, ut obiter moneam) sine salutis aleâ omittere nequit prudens Artifex, incumbit naturam regere, prout ipsius conatus vel efferari, vel languescere deprehenduntur, eâ quidem ratione, ut nec hinc plus æquò ferociant Uterus hujusque contenta (unde Abortus, Hæmorrhagiæ, Convulsiones, præcociaque Puerperia) nec illinc nimium torpeant, quò pactò naturæ labefactarentur Conatus, Partûsque negotia pessum ruerent tristi spectaculò: Sicut quam plurimas alterutrò hoc errore periisse fœminas novi, & viceversâ multas ab orco ereptas ideò, quod prudenti methodo & moderamine ultrà debitos Limites excurrenti Naturæ providerint auxiliorum convenientium ope, quibus aliàs in parturiendo non adeò indiget suis inclusa Natura cancellis, suisque viribus planè instructa, quarum quidem eâ gaudet copiâ, quantâ, nisi interturbetur, opus est, ad *jucundè citò* *Etntò* parturiendum.

#### THES. IV.

Quomodò verò jucunde? An non tantò Celerius procedunt puerperia & accelerantur, quò magis vigent cruciatus & tormenta parturientium, ejulatus & vociferationes: Ridentem enim Puerperam vidisse nec meâ nec aliorum *aiolofia* recordor. Profectò sunt dolores Naturæ instrumentum, seu ( ut ita dicam ) Claves, quibus referatur Antrum vel Caverna uterina, ad egressum nascendo fœtui con-



conciliandum, Et quò magis excitaverim illos inevitabili & necessa-  
riâ barbarie, eò magis partûs negotia acceleravero, seu Fœtûs, seu se-  
cundinarum excludendarum gratiâ, nisi (NB.) præternaturalis do-  
lorûm ἐνεργεῖαν impediât Embryonis in utero situs, cui mutando, si  
impares fore (quod nimis sæpè fit) naturæ conatus constet, sola pe-  
riti Artificis dextera valebit; Adde sensu exquisitissimo prædita partûs  
organa, Uteri Lagenam membranaceo - nervosam, annexa ipsi vin-  
cula, funes, Pelvim, vaginam &c. quæ diametro Corpusculi maturi  
excernendi θαυμασίων ὄσων improporcionata, Cruciaturum necessitatem  
statuere videntur. Intereâ plectuntur interdum miseræ citra na-  
turæ necessitatem & culpam, crudo adhucdum embryô, quasi non  
satis sit, ut sub Deo, sed etiam sub imperito Artifice vapulent;  
Quod careant auxiliatrice, prudenti Artemque callente *Lucinâ*, seu  
quod, præter Causas in *Thes. I.* memoratas, intempestivè laceissentur  
organa, tum insalubri balneorum stimulantium laxantiumve usu,  
tum funestò obstetricum *Colico* nephriticis torminibus decepta-  
rum errore, quasi ab omni murmure parturiendum esset (inter-  
dum enim vid. *River.* obstetrices citius Parturientes incitant ad cona-  
tus expulsionis, & spiritûs cohibitionem, dum adhuc ligamenta fœ-  
tûs utero firmiter adhærent, unde virium ex solutio sequitur, quæ  
postmodum in ipsâ partûs horâ non sufficiunt:) Adde, quod sta-  
ta haud norint utero Gerentis tempora ex signis propriis infrâ de-  
scribendis; seu (2.) ob præmaturam præcitemve Chorii amniique  
membranarum rupturam, unde, nec dum hiscente satis Uteri Cer-  
vice, ob Liquoris ad vias lubricandas effluxum præmaturum, funi-  
culo etiam aquarum torrente effuso - elapso vel circum voluto, fru-  
straneis nec fœtum promoventibus doloribus torquetur, imò sæ-  
pius evul.â in malorum Cumulum placentâ animam fundit cum  
sanguine infelix Puerpera: Excipe tamen, si extra vulvam elongatæ,  
nec dum ob sui tenacitatem ruptæ pendeant membranæ, eâdem  
tum necessitate rumpendæ, quâ Infantum difficulter dentientium  
gingivas horizontali sectione aperire necessum est. Aut (3.)  
plectuntur ineptâ contundente Hypogastrii deorsum versûs Hy-  
pocondriorumque & iliorum Casu, ictu & manuum vi factâ  
compressione, quâ promovère nituntur infantis egressum & secun-  
dinarum, solo naturæ nisu, impetu & robore perficiendum: Natu-  
ram enim invictam esse ignorant; vel (4.) neglectâ intestinalis fi-



stulæ σκύβαλοις aut flatu distentæ, seu vestium laxandarum, vel partium Oleosis emolliendarum ratione, ob quam atrocius favire tormenta parturientium nobis compertum est: Uno verbô dura & difficilia aguntur Puerperia eô ipsô, quod opitulari falsò se posse putent, vel quod nolint & recusent ex præconceptô odio, vel haud norint obstetrices, seu ex Artis imperitiâ, seu quod doctâ ipsarum Arte plus valeat malum in præternaturali Puerperio, quod *Lap dem Iy- dium* peritorum Artificûm meritò dixerim: si enim tentare cui Libeat, quantum in hâc Arte sui valeant humeri, in difficili puerperio vires experiatur, maximè quoties magna jam adest virium jactura ob infantis situm perversum ejusque imbecillitatem &c. Ergò juxtâ ætatem, staturam, habitum & temperiem τῆς δυσκολίας ad dolorûm vim cæteris paribus valdè utilem, Nec non juxtâ mores obstetricantium, horum industriam, dexteritatem, humanitatem, quibus refo- cillantur & a dolorûm sensu quasi abducuntur in partui constitutæ fœminæ, multum interest nosse ad amissim ingravidationis, cujus signa *vid. superius*, tempora, quorum decursu novimestri ad ἀκμὴν & maturationis periodum pervenit Embryo: Cui quidem felicius & sine Matris torturâ Lethali & sine spasmô vix tolerandâ ad nativita- tem promovendo (1.) *Dieta* juvat Gravidis & partui vicinis præscri- benda, respectu Aeris, Cibi & potûs, Exercitiorum mentis & Cor- poris & quoad excreta, & retenta. ita ut aëre nec acri, nec impurô, nec procellosô, uti nec ejusmodi farinæ alimentis seu solidis, seu liquidis, queis cieatur aut convulsiva ferinaque tussis, diarrhoea, singul- tus, aut sternutatio Abortum & Embrii in Utero fatalem perversic- nem provocans, gaudeat: simul juxta *Hippocr. libr. de steril.* utile mo- nitum, primò non tantum tempore (effluendorum Germinum cau- sâ) sed & ultimò abstineat Coitu, cujus nec non immodicæ corpo- ris succussionis, agitationis, vociferationis, risûs, pandiculationis vomitûsque &c. pericula recensens, egregiam horum reddit a fimi- li rationem *Celebr. Puerperarum in Gallia Patronus Franciscus Mauricean* utilissimum de mulierûm partu librum scribens, cujus mox refe- ram verba, cum monuero coitum ideò noxium præcipuè versùs finem properantibus mulierculis, quòd conglobato & ob molem fidenti & descendenti Utero impingens illidensque virga, hujus Cervicem præmaturè referare faciat, unde fit, quod juvenulæ ob nimiam ferventiolemque Qrem frequentius & periculosius abor-



abortiant. (Premierement on doit savoir & poser en fait (memorat abortûs pericula,) que la sortie de l'enfant doit être laissée à l'œuvre de nature bien réglée, & non pas l'exciter, en le seconant par cet Exercice, à déloger avant qu'il en soit tout affet tems : Ce qui arrivant, quoique ce ne soit trop tôt que de 7 ou 8 jours, ne laisse pas d'être quelque fois aussi préjudiciable à l'enfant, que nous le voions être au raisin, qui quelque fois à 4. ou 5. jours près du tems qu'il lui faudroit pour son entière maturité, est encore presque demi verius ; Mais pour faire voir plus clairement par cette comparaison, que ces sortes d'exercices causent souvent de très mauvais travaux, il faut considérer que l'enfant est naturellement situé dans la matrice la tête en haut & les piés en bas, regardant le ventre de sa Mere, jus qu'à ce qu'il ait atteint environ le 8e. mois : Pour lors & quelquefois plutôt, quelquefois aussi plus tard, sa tête étant fort grosse & pesante, il vient à faire la Culbute, en la portant en bas & les piés en haut, qui est la seule & véritable situation, en laquelle il doit venir au monde, toute autre étant contre nature. Or justement dans le tems que l'enfant a coutume de se tourner ainsi à Chés, au lieu de se tenir en repos, on se met à sauter, marcher, monter, descendre & s'exercer plus qu'à l'ordinaire, ce qui assés souvent est cause qu'il se tourne de travers & non pas directement, comme il devroit faire ; Et d'autre fois la matrice s'affaisse si bas & s'engage tellement vers les derniers mois dans la Cavité de l'Hypogastre par ces seconemens, qu'elle ne laisse plus la liberté à l'enfant de faire cette Culbute naturelle, pour raison de quoi il est contraint de venir en la première situation savoir, par les piés, ou en autre posture plus mauvaise) hoc est, scitu necessarium & certum est, Egressum infantis, naturæ viribus committi debere, non proritari violento exercitio, hujus partum præmaturum provocando, qui licet 7. aut 8. saltem diebus antecurrat, tantumdem Embryoni nocet, ac Uvis fieri contingit, quarum succus austerus & agrestis est, licet ad maturescendum 4. aut 5. dies desiderentur ; sed melioris intelligentiæ gratiâ, ut Exemplo allatô pateat, ab hisce violentioribus Exercitiis dura pendere Puerperia, considerandum est foetum juxta naturæ ordinem Caput habere uteri fundum versûs & superiora conversum, pedes cervicem versûs deorsum pendulos, Faciem verò Matris pubem é diametro spectantem, quem hinc situm in utero servat ad octavum ferè mensem, quô tempore modò citiùs, modò tardiùs ob Capitis gravitatem molemq, sublatis retrò pedibus in pronum Caput delabitur, quam Corporis figuram in quolibet Naturali partu servare debet Embryo, cùm quivis alius situs



fitus, præternaturalis habendus fit. Jam eô ipso tempore, quô inverti solet Embryo, tantùm abest ut animi aut Corporis quieti indulgeant, quin potius saltationes ineant & itinera Laboriosa, in solitoque exercitiô se se macerent, unde transversim & situ ferè horizontali decedit, Uteroque simul adeò interdùm cum farcinâ descendente, ut pelvi arctè pressus & incarceratus corporique invertendo impar foetus, priorem, quam vitiosam accepit, corporis figuram in partu servet, partu Agrippinô aut aliô periculosiore modô Excludendus.) Pro confirmatione hujus veritatis, si non sufficiant omnes supra allegatæ probationes & authoritates, quotidianaque partuum humanorum exempla (*Felix tamen quam faciunt aliena pericula Cautam! En jumentorum, vaccarum, Camelorum &c.* quos nisi pécoris impatiens, aut mandati divini transgressor, (Justus enim miseretur animæ jumenti sui) dùm foeturâ prægnant, jugo vel duro oneri haud facilè subijciet: Adde fragorem horrendum, quô ab explosis tormentis Ovem exonerasse *Lutet. Paris anno 1711.* memini. Simili effectu terrorem subitum & exhorrescentiam à quacunque Causâ, Æstum febrilem *Hippocr. aphor. XXX. LV. Libr. V.* (quia si in Curationem morbi incumbas, ipsum foetum pessumdabis) vestes nimis constrictas, stranguriam, Tenesmum, Animi consternationes &c. Parturientibus & Foetui crucem in partu figere æque certum est, ac certò nocent utero gerenti Lavacra (*ὁκόσαι μερίως τὸ σῶμα ἔχουσαι ἐκ-  
κλιεώσκεισαι διμηναι καὶ τριμηναι ἄλλες προφάσιως φανεραὶ ταύτησιν αἱ κοιλυληδόνες  
μήξεις μεσαὶ εἰσι, καὶ ἡ δύναμις κρατεῖν ἐπὶ τῆ βάρους τὸ ἐμβρύον, ἀλλ' ἀπορ-  
ρηγνύονταί,*) hoc autem ex secundinarum & vinculorum uteri laxitate, quam femicupiis emollientibus, aut provocantibus infidentes Meretrices horrendô homicidio, & ἀσοργία in spem abortûs sibi conciliant, enervatâ his membranarum, vasorum, Ligamentorumque κράσει & facultate tonicâ, συσώληκη & retentrice: ferè sicuti membranas ovillas rigidiores & præ ficcitate turbinatas frequenti aspersione & imbibitione ∇rum mollescere & elongari contingit, vel eâdem ratione, quâ relaxantur in aëre roscido, nebuloso & humido fidium corda, quæ nervos & vincula referunt, aut Tympana membranâ tum usu, tum figurâ non valdè dissimilia. (2.) Cùm sibi sonuisse Partûs horam, probè suorum temporûm conscia fœmina cognoverit ex spuriiis infidisque signis haud decipienda (maturum autem foetum Partûs naturalis indicia & prodromi præcedunt) quieti Corporis &

Men-



Mentis, maximè si sit Primipara, indulgère eam decet (1.) ut viribus unitis, nec fractis par sit ferendo partûs Labori, cui pari ratione ἀναλήπτικα conducunt. (2.) Ut simul directô motu, dùm prono Capite delabatur, commodum in pelvi locum nancisci queat infans, mille secûs modis in partum Laboriosum & Gravem facessentibus provolvendus: Huc refer vestium & cingulorum laxitatem, Coitûs abstinentiam, Clysmatûm verò, si tensa sint Intestina, injectionem ex decoct. Herb. Emoll. *Malv. Alth. Parietar. puleg. verbasc. Chamamel. Artemis.* colatur. add. oleum *Amygd. dulc.* & 31. *Salis.* Eodem tempore, quod facit multûm ad Partuûm imminetium felicitatem, Arcanum est conglobatas & sibi mutuò ferè superincumbentes vaginæ rugas, valvulas, plicas, annulos, poros deorsum spectantes, nec non uteri Cervicem, seu ôsculum aut sphincterem appropriatis diducere, emollire, elongare, relaxare diametri organorum augendæ gratiâ, secûs in foetûs suffocati tumulum abeunte utero, sit juvenis aut vetula Puerpera primum experta Puerperium: *Huius* enim organa continentia ætate rigiditatem & soliditatem naçta, ob humidi nutritii defectum, dùm relictantur, Matris & foetus conamina funesto spectaculô eludunt: *Illius* verò, juvenulæ scil. partes ob nimiam tenuitatem, teneritudinem, sensilitatem, duro impares Labori & tractatu difficiles, citiùs ob tormentorum atrociam disruptis vesicâ, pudendorum labiis, Carunculis &c. Matri necem inferunt, quam perficitur partus (Ergò tûm primum licitus est sectionis *Cesareæ* usus, defunctâ Puerperâ.) Coronidis tandem loco (ne quid deficiat saluti & felicitati Puerperarum, quantum quidem pro maledictô divino licet) Articulationis, quâ ossi sacro junguntur Coccygis ossa Cartilagino, sa laxandæ Cautelam ideò *Lucinæ* Cultoribus injungere debui, quod hinc certâ tamen ἐνχειρέσει praviâ multo mihi usu comparatâ) felicem eventum fortiantur Puerperia, ob situm hujus Appendicis osseo Cartilaginosa ex σπλαγχνολόγικοις respectu uteri & intestini recti superincumbentium, & ὀσσεολόγικοις desumendum: Adde vetulas præ Juvenculis ob immobilem factum Coccygem difficilior eniti.

### THES. V.

Sic properante ad fores uterinas Embryone, cujus juxta jam allata superius indicia sunt, delapsa in pelvim uteri moles, ostiûm  
C
uter



uteri reſeratum, Tormina ad pubem deſcendentia &c. poſt exantlata graviditatis diſcrimina, periculi quod in partûs morâ conſiſtit, probè conſcia provida mater Natura, niſi inter turbetur & ab impedimentorum violentiâ è ſtatu ſuo dejiciatur, partum edit celerem, ferè momentaneum, brevique dolorum, ſed urgentium ſerie ſeſe exonerat, modò viciffim Naturæ aſtibus opportunè utatur Puerpera, & norit quid agere primum, quid ſecundum & ſic deinceps debeat: Quandoquidem Naturæ conatus obſervando citiùs foetui viam aperueris, quàm præmaturâ irritatione partûs impedimenta ſuſtuleris. *Primò* ad valvulas plicasque uterinæ vaginæ leniendas, diducendas, uterumque, cujus ſphincterem quaſi epifſtomio jam obturat Embryonis vertex, ſucceſſivè reſerandum, tranſſudant mu-  
cines inſtar albuminûm ovi, ob compreſſas à Capitis mole undas, quarum particulæ per rarefactam membranarum texturam elabuntur depluuntve, ſeu uterinæ Cervicis emolliendæ, laxandave gratiâ (accedente in adminiculum veſicularum Cervicis uterinæ mucorofcido) ſeu ſimul pro viarum Lubrificatione (Naturâ Aurigarum Proverbium verificante, *wer wohl ſchmiert der fährt wohl*: ) Adde cruoris interdum dictam Lympham tingentis effluxum & effectum ſimilem. Hinc (2.) armatâ in foetum Ergaſtulo ſuo ejiciendum totâ natura, celeriter ſuccedunt ſibi Liſtorûm inſtar dolores ſcindentes, lancinantes, tormina, Coxarum gravitas, nixus à regione Lumborum & Coccygis ad pubem reflexi, convulſo quaſi ab Aëris retentione Hypogaſtrio, diaphragmate & toto nervoſo ſyſtemate (unde vomitus interdum,) quorum motûum continuatâ ſerie & impulſu, dehis cente ſenſim ac ſenſim uteri Cervice, deſcendit quoque pedetentim & promovetur Embryo intra pelvim, membranis jamjam  $\nabla$ rum effuſione crepandis, (quò tamen facit multum Parturientis ſitus; Tandem tormentorum vi, quaſi novaculis ſcinderentur, ad ejulatum uſque auctâ (ob Cervicem à Capitis mole extenſam) erumpunt ſpontaneâ in volucrorum membranaceorum rupturâ Capiti ſuperincumbentes Aquæ, mox tremiſcente vel trepidante toto in plerisque corpore; donec infantis niſu Calcitratorio, uterique, abdominis, partium pneumaticarum ob animam retentam impulſu continuato expellatur cum ſecundinis Infans *μικρόνοσμος*, eò quidem citius *μακρόνοσμον* aſpecturus, quò Naturæ operanti prudenter miniſtraveris. Ergò partûs Laborum minimè



minimè impatiens, quò atrociora sentit tormina, eò Constantius  
 in brevi subsecuturæ διαλύσεως spem vacare hisce decet Intrepidam  
 Puerperam, cohibito sæpius in nifus expulorios spiritu, admiffâ  
 simul in plethoricis & obesis (vasorum ἐξέως & sanguinis in pecto-  
 re ἀναθυμιάσεως præcavendæ gratiâ V.S. vid. Hippocr. Libr. I. de mor-  
 bis mulier, Liquorûm vi Gardiacâ temperatâ & restaurante pollen-  
 tium usu, erectamque, quantum pro viribus licet, servando Cor-  
 poris figuram, utero referando, nec non Coccygi retrò flectendæ  
 magis idoneam; Vestium ponderosiorûm, quantum absque frigo-  
 ris noxâ licebit, carentiâ vel laxitate; Intestinorum, vesicæ, narium  
 emunctione & ex oneratione sponte vel arte ciendâ, animi horribi-  
 lium affectûum, timoris, mœstitiæ &c. fugâ conf. Cap. IV. Libr. I.  
 Samuel; Tandem hiantē a torminûm vi, sternutatorii, ἐγγενούς, prout  
 suadet Hippocrates, interdum irritandâ, uteri cervice, Cuncta par-  
 tûs organa, ut facilius partui cedant, illinire tanti usûs est, ut admit-  
 tendo fœtui latius hac ratione pateat uteri orificium, cujus parie-  
 tes & annulos (quibus post elapsas aquarum undas coronæ instar  
 Cingitur Embryonis nascendi caput) celerioris exclusionis gratiâ, di-  
 gitorum unius vel alterius, indicis præsertim, quem axungiâ oleis  
 aut mucagine dulci lubricare extractis annulis & unguibus trun-  
 catis necessum est, apice retropellere obstetricantem decet; secus  
 fessâ duro Labore Lucinâ, periclitantibus ob partûs moram Matre  
 & infante, ambo, nisi ferro aut manûum nervis salus inducatur,  
 trucidantur: Quâ quidem tristi rerum facie, si Unguentarii axun-  
 gias, olea & Linimenta omnia, seu inunctionûm, seu iniectionûm  
 formâ, quibus uti aliàs solemus, usurpavero, citius Exspirabit a tri-  
 duo vel quatridduo sæpè Enitens fœmina, quàm parturiet ob capitis  
 & trunci prægrandem molem, aut viarum nullâ dolorûm vi dilatan-  
 darum angustias in macilentis & obesis, in Juvenclis & coriaceis  
 vetulis, quarum respectu suffocatus & contusus sæpe perit Embryo,  
 Parturientiumque vires doloribus impares fatiscunt, pulsu depres-  
 sius vibrante inflammato & durescente Utero & Musculis, ἐφιδρώσας  
 & ἀσφνξία in præsentissimum Matris discrimen (nisi habitâ virium  
 ratione fœtum extrahere mortuum, aut secundinas norit peritus  
 promptusque Artifex, necem aliàs Parturienti illaturas) supervenien-  
 tibus. Sic 21. 9bris 1715. violento partu, sed Agrippino extraxisse  
 Puellam exanimem absque secundinis, putrilaginis quâvis mephyti  
 fœti-



foetidioris formâ a quatruiduo excretis, non sine horripilatione recorder, cum jam spasmodum præludia ad essent: Et si (venia sit repententi) unguentarii axungias omnes (quæ imperitorum est sacra ubique anchora) tum Caperet uterus, citius tanto labori succumbet Natura & pessumibit Mater, quàm Excludetur foetus, non nisi *Χειρὲ γυῖα* manualisque *ἐν χειρὶ στείως* ope salvandus, maximè si cada-verosæ & mortuæ prolis indubia signa appareant, & futuri sponta nei partûs spem desperatam esse irritis tantum, nec promoventibus, aut interpolatis tantum ad dorsum potius, quàm versus pudenda vergentibus conatibus enitente foeminâ constet, Aut si nullâ aliâs vi revocandi parturitionis dolores evanescant, seu ratione ingentis cruoris ob laceratas solutasque secundinas profluvii, vel ob matricis siccitatem, tumores, angustiam &c. nullâ obstetricis Arte aut naturæ viribus referendæ, seu ratione molis præ orificii diametro grandioris, quò spectant *ὀδῶν κέφαλος*, Ascites, Gibbositas, membra monstrosa aut duplicia, vel perversi situs, foetu scil. prolabente Corporis situ, modò horizontali, modò supino, modò pedibus & manibus simul elabentibus conglobato, modò aliâ difficili positurâ, quarum icones ex parte delineatas exhibet *Fr. Mauriceau Libr. 2.* Adde Tetanum, syncopen, phtisin, Asthma, Asciten, & animi deliquia Respirationem, cujus insignis in parturiendo usus est, cohibentia, ob quæ seu solitaria sint, seu conjuncta parturire sponte nescit Puerpera, ut ut malè aliâs mulctetur a vetulis & Imperitis medicaltris, præ posterò stimulantium abusu, quibustemerè cruciatur, quò demum importûno molimine pejus agitur de foetûs & Parturientis vitâ, tantumque abest, ut accelerentur partûs negotia, quæ vel suo relicta arbitrio Natura, vel periti Artificis prudens opera promovère forsan valuisset, ut è contrâ viribus fractis & evanescentibus opressâque naturâ ambo mater & infans libitinæ damnentur, saltem alterutrius pernicies Inducatur: Quandoquidem hinc periculum sit, in calidioribus præsertim temperamentis, quorum principia activa plus satis Cardiacorum suppleant vicem, ne naturâ nimis incitatâ coactâque spasmodici motus ciantur, quibus de Medico & Parturiente Ægrâ pessimè agitur; Et, ut verum fatear, ita proclivis jam est ad spasmos, Hæ morrhagias &c. Puerperarum quarundam indoles, ut persæpè suâ sponte, nullâ stimulantium ejusmodi irritatione præviâ, illico subrepant: Præterquam

quàm



quàm malefano stimulantium ejusmodi abusu, difficilior evadat infantis excludendi situs, deteriorque hujus in pelvim prolapsus, excitata simul immani frustraneorum Cruciatuum serie, quibus foetui non tam præparatur, quàm præcluditur exitus.

### THES. VI.

Exdictis, ut obiter attingam facile erit vulgare illud Problema solvere: Qui fiat scil. ut perpauca adeò è plebe, ex puerperio (fatali nece) pereant, si ad eas comparentur, quæ inter Divites in parturiendo trucidantur? Quod quidem vix ad aliam causam potest referri, quàm, quod naturâ ob agreste vivendi genus non solum firmiore & magis lacertosâ gaudeant texturâ laboribusque indurata; sed quod illis ob angustam domi rem haud fiat copia sibi nocendi, regimine ejusmodi damnofo & alex plenissimo: Errore enim lethali quò multas periisse certum est (ubi Parturientium conatus gravissimi sunt & frequentes, sed irriti,) ad virium ad auctorem (imprimis si commotis spiritibus & humoribus febris jam adurat & urgeat sitis) vinum generosum, Cinamom ▽, Mithridat. & Calidiora alia immoderatiùs in biliosis exhibentur: Ex quò non solum nimio opere incalescens captivus Embryo (præter timendam graviolem sitis perversionem) si vivus nascatur, brevioris vitæ esse solet, vel valetudinarius; sed & auctò a partu calore, ex adustis lochiis gravissima symptomata & plerumque lethalia emergunt: Et licet non negem, multas præfatio regimine usas, nihilominus ex Puerperio feliciter citò, tuto & jucundè evasisse, Fatendum est tamen (& sane dolendum, si nobis cum reputemus, quàm facile suo tempore reparandum fuisset Puerperarum discrimen) plurimas etiam interire, quin & aliæ complures interirent, nisi vel fortunâ vel aliâ re inopinatò adveniente servarentur. Quod si objiciatur hæc provocantium medicinarum methodo Viros plures Doctos cum Parturientium ἐν φωγῆα uti, præsertim in Germaniâ, ubi turgent officinæ *Pulverum. Essent. Trochisc.* ad δυνάμειν seu partum, ut ut desperatissimum, provocantium copiâ, (quibus abutentes medicastri & anicula, temporis horum exhibendorum & moderandorum ignaræ nefando ausu innumeras de vitâ & valetudine deturbant) tum supponendum est, viros illos Doctos, qui ejusmodi δραστηρικὰ provocantium, aut Catharticorum usum ad partum accelerandum prædicant, ea intelligere Puerperia, quæ posito situ infantis naturali, seu ob Matris torpiditatem, aut organorum



norum stuporem vel ἀναλγησίαν, seu ob debilem aut mortuum, si-  
 tu tamen naturali & homoganeo gaudentem foetum, absente He-  
 morragiâ, spasmo, singultu & ejusmodi contra indicantibus, diffi-  
 culter & lentè peraguntur. Verùm longè aliter se res hic habet :  
 Ferè enim ex difficili, diuturno & inani labore, ob vitia alterutrius  
 organica, aut perversum infantis situm exanimis & exhausta Puer-  
 pera, commotis jam æstuantibusque humoribus solvitur hæc in su-  
 dores uberrimos aut spasmos, qui soli virium partem magnam adi-  
 munt, (quò facit Aëris æstus fervidior,) labefactatâ ab ὀβριανσμῶ respiri-  
 ratione: Ex quo fit, (1.) ut Foetus ob diuturniorem sui incarcerationem  
 tandem necessariò pereat, solius quippe Artis, haud medi-  
 camentorum, licet generosissimorum vi extrahendus. (2.) Matris  
 plùs nimìò ob vim a medicamentis sibi illatam, frustrâ satagentis vi-  
 res funesto exitu evanescant, Utriusque præsentissimo periculo, ob  
 prætermiſsa juvandi tempora & occasionem a primò statim Partu-  
 rientis impetu (præcognito discrimine) captandam, dùm è contra re-  
 bus in præceps sensim ruentibus, obortâ syncope & ἀσφηξία, frigen-  
 te artûum apice &c. quæ salvâ Matris & foëtûs, aut alterutrius sal-  
 tem vitâ, feliciter in principio cessisset Operatio, jam serò celebretur,  
 quandoquidem ferè omnes tunc deficient, quas trucidasse demùm  
 iniquè culpatur Operator, serò scil. *medicina paratur. Cum mala per lon-  
 gas in valnere moras.*

### THES. VII.

Omninò itaque (qui, ultrâ quàm res ipsa loquitur, sapere no-  
 lo,) intellexi *Tutiora* peragi Puerperia, quæ prudenti & sollicitâ oc-  
 casionûm Captatione ad genium Naturæ diriguntur, reclamante,  
 licet immani, ac malè fundato medicaſtrorum utriusque sexûs præ-  
 judicio, ita quidem, ut naturæ ductum in Foetu statò tempore, na-  
 turali corporis positurâ, & consueto more expellendo studiosè se-  
 quentes, eidem. si opus sit, subsidiariam porrigere manum, ubi scil.  
 partûs naturalis indicia habentur, juxta præscriptas regulas annita-  
 mur; Vel methodo, quâ utitur, cum aberraverit, natura in intestino  
 hoc hospite Extrudendo. minimè fidentes, diversam ac *Tutiorem* e no-  
 stro penu & Artis experienciâ, vice illius, quam inutilem & frustra-  
 neam, fore laboriosi & præternaturalis Puerperii signa in digitant sub-  
 stituamus. Ex gr. Ex conatibus parturiendi irritis, nec nisi per lon-  
 ga intervalla recurrentibus ferè ad incytas redacta jacet Fœmina ex  
 intenso



intenso clamore rauca , licet a primis doloribus plura ad pellendum fœtum exhibita fuisse certum sit : Adhæc pondus & frigus in hypogastrio sentire se afferit Parturiens, Venter & mammæ concidunt , frigescit Pubes sinusque pudoris, ex quò redditur gravis halitus, quandoque *flamma*, Cavantur ferè oculi , Arteriarum motus languescit, Crura totumque corpus intumescunt, infantis nulla motitatio, sanie cruenta ex utero manat, Rauca præ clamoribus & febricitans est cum pulsu depresso ; Tandem ex hæmorrhagiâ perenni, spasmos mortis ferè prodromos, syncopenque Experitur mulier. &c. An tùm Naturæ & temporis, *συμπαχία* præstolari convenit ? Sicuti suadere mulieribus fortunæ temerè fidentes Obstetrices frequenter solent, funesto morem gerentium exitu , quas attritis frustra nitendo viribus, ne dicam fœtum, si vivat adhuc, hæc ratione enecari, ex Phrenitide, aut spasmò exspirasse Aut si mortem evaserit una vel altera , ad ultimum vitæ, quæ brevis esse solet, terminum agram duxisse animam suspicor. Me quod attinet, longè tutius esse existimo, fidenti Naturæ, aut erranti, & dubiæ fallacique spei minùs dare, quàm occasionem, quæ præceptis hîc est, in utriusque, vel alterutrius discrimen negligere, ubi naturæ vires & molimina labore vinci, nec inducias ferre malum constat. Sed objicient illi, quibus hæc minùs placent , Naturæ, non Artis esse Parturientibus opitulari : Nam secus, ob Artificiûm penuriam Humano Generi parciùs ea prospexisset quàm postulat speciei conservatio : Reverà spontaneò naturæ motu absque succendiculis Puerperia fieri notum est, etiam citra ullius opem, salvâ Matre & infante; cùm statò tempore cæterisque paribus provolutus directâ corporis positurâ maturus infans, Egressum ex utero urget maternò , præviâ dolorûm in his levium, in aliis fævissimorum Catervâ, quibus partus absolvitur naturalis, in quò sanè moliri quicquam ( præter Clinica ) nefas est. Viceversâ quot quantique letho patent aditus, quoties (fato sic dirigente, vel ob incuriam, aut Divinam Nemefin pervertitur Parturientium labor, lugubri exemplo Uxoris *Pinebas, Jacobi* & nostratium Mulierûm quibus in jactantiâ , quâ Liberatoris sui Cœlestis immemores Partuûm suorum felicitatem prædicare superbè solent , pœnam, suo lethali damno inculcari Numinis divini Artisque Invocationem & reverentiam videtur; Et quamvis tanta hodiè sit Puerperarum clades, Artem esse insufficientem non tam dolendum est, quàm

que.



querendum, adeò paucos esse hâc in palæstrâ exercitatos, quibus faveat Benigna *Lucina*: Adde, quod hâc etiam viâ (Fatis ita decernentibus) pateat. *Atrij anna ditis*. De Cæterò, ut in præfatione Artis obstetriciæ Cultoribus quædam observanda posui; Sic, præmissò nostro Tentamine præliminario, Praxin hanc difficilem Aggressorum monuisse juvat, quædam ipsi facienda esse, fugienda quædam ad *Jucundè, citò & tuto* tradendam *Lucinam*. A Jove Principium ex faciendis nempe (1.) Pietati sic obstetricando, ut in DEO OPT. MAXIMO spem firmissimam reponat, Eumque maximâ cum fiduciâ invocet, suspiriis suis Parturientis ægræ clamori conjunctis; Tandem felicem in Parxi, post exantlata Puerperii pericula, successum, non suæ prudentiæ, sed Auxilio superno acceptum ferat, quò sine nihil Homines providenter auspicantur, nullaque operatio, maximè *εὐβελυκία* felici coronatur Eventu. (2.) Sollicita occasionum Captatio, prudensque earundem usus, quibus per incuriam, aut socordiam, aut inscitiam neglectis, inclinatio fit in mortem vel deterius, unde Matris & infantis sacro spectatim Baptismatis Lavacrò egentis discrimina horrenda. (3.) Cautæ præfagia, tum respectu sui & famæ, quàm Puerperæ, ante obitum, si præcaveri nequeat, de salutis Animæ curâ habendâ admonendæ, Adde *usum forensem*, quò facit etiam Cura *τῆς ἐν θανάσιος*, ut fiat Excessus e vitâ magis placidus. (4.) Calumniarum contemptum, si Ægrâ vel infantulo citra Artis culpam exspirante ob inevitabilem Parturientis sortem, Infanticida, vel *ἀνδροφόνος* proclametur, subeatque, juxta *Celsi* prognosticon, famam ejus ut occisæ, quam fors ipsius peremit. Quò prudentiorem proin esse decet quemlibet *Lucinæ* Ministrum, tantòque magis, quod Artem non opificiorum liberalium instar, quæ sub Dio & palàm tractantur, sed clausis oculis & omni Luce, si excipias *Anatomicam* privatus, exerceat, ne suetæ felicitati innixus, præ nimîâ sui fiduciâ, accuratè agenda & fugienda non advertat, unde, vel altius penetrando, aut temerariâ pollicitatione datâ, omissis diagnosticis & prognosticis, salutem Puerperarum neglectam fuisse nimis ferò conqueratur; E contrâ recordabitur sortes Puerperarum in manu Dei esse, adeoque neglecti officii rationes gravissimas Justissimo Judici aliquando reddendas esse: Ideò *εὐκρίτης πρὸς πάντας & φιλόανθρωπος* Esto, ne pauperioribus spretis, tantum opulentioribus vacandum esse sibi putet.

T A N T U M.